



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput III. Alex. III. Universis Abbatibus, & Conversis Cisterc. (a) Ordinis.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

dant, vel soli manent in curiis, horrenda mala, horrenda scandala, horrendaque pericula frequenter audivi, que nunquam sustinuerunt adiuncto socio, vel fecissent. Prolequitar Lantdinter. in comment. ad regul. D. Augustini, cap. 4. num. 25.

(f) Prioratus.] Prioratus sunt cellæ monachorum extra monasterium, seu membris principali monasterii, ubi pauci monachi à reliquo separati in una domo vitam agunt; instituti fuerunt, ut disciplina severior, & stricior, que in vita communum monasterii profleret, & servari non poterat, immò nec conveniens erat, à paucis severioris discipline, & vita amatoribus ibi servaretur, ut refert Yepes tom. 2. chron. D. Benedicti, anno Christi 676. fol. 315. ad minus autem debebant sex monachi ibi residere. Concilium Aquileyanum cap. 44. ibi: Ut Abbatibus licet habere collas, in quibus aut monachi sint, aut canonici; & Abbas provideat, ne mixtus de monachis ibi habitare permittat, quam sex. Dicta Clementina Ne in agro, hoc tit. & Gregorius IX. in bulla ad Cluniac. & Nicolaus I. V. ita statuerunt: Ne in prioratu aliquo unus solus monachus commoretur, sed ei, qui solus est, unus, vel plures socii monachi adjungantur, si loci suppedant facultates, alioquin monachus revoletur ad claustrum. Benedictus XII. in Benedict. cap. 25. ibi: Monachi autem in prioratibus, seu administrationibus cum dictis prioribus, seu administratoribus simul sint, & canonicas horas dicant, & in Missis celebrandas suas hebdomadas ordinatæ, ac tractim, non syncopando, humiliiter, & devotè, & horis competentibus, & cum nota, ubi fuerint tres vel quatuor, seu plures, facere teneantur. Unde D. Bernardus epist. 253. commendat Abbatem Guarinum, eo quod lyngagias satanæ, id est cellulas extra cenobium, in quibus tres, vel quatuor fratres sine ordine, sine disciplina habitare solent, destrueret. Et Turriscremata tract. 13. in regulam D. Benedicti, ait in paucis prioratibus religionem annihilari, ibi enim vitio proprietatis approximatur, meritum obedientiae minuitur, continentia facile pericitur.

(g) Obedientia.] Prioratus ipsi, seu cellæ, que majori, & principali monasterio parebant, ab ea subjectione obedientia dicebantur, de quibus Gregorius VII. lib. 6. epist. 21. ait: Obedientias Ecclesia, ceteraque beneficia, que sine communi consensu fratrum acquisierat. Ivo Carnot. epist. 163. De monacho illo, quem in juramento confinxisti, ne ultra illam administraret obedientiam, quam aliquandiu sibi usurparerat per inobedientiam. Earum mentio fit in cap. cum singula, de probend. lib. 6. Clement. I. de suppl. neglig. Clement. ne in argo, §. sanè, hoc tit. apud Innocentium III. lib. 2. regestr. 14. epist. 29. ibi: Omnes obedientiarum proventus. Sed quia in his obedientiis, Prioratus unus ex monachis præponeretur rerum administrationi, caute in praefenti prohibutum fuit, ne talis administratio

pretio concederetur, cum exinde sequantur incommoda, que supra ex Turriscremata retuli.

(h) Priors autem.] Qui Prepositi officio in monasteriis fungebatur, posterioribus seculis Prior appellabatur; unde Lanfrancus in statutis cap. 3. ait: Servata in omni Abbatis reverentia, Prior, qui & Prepositus in regula nominatur, honorabilior est reliquis ministris domus Dei. Et apud Cassianum, cap. 65. legitur: Prepositus monasterii secundum morem nostrum Prior claustral vocatur. Et merito, nam Prioris nomen superiore significans Novel. 112. Justin. D. Benedictus cap. 6. sue regulæ. Si qua requirenda sunt, à Priori cum omni humilitate, & subjectione reverentia requirantur. Quare apud Carthus, Guillelmitas, Calentinos, Carmelitas, Heremitas, Augustinianos, Prædictores, Praefecti, seu Superiores, Priors dicuntur, de quorum officio, & dignitate plura tradidit Haephenus disquis. monast. lib. 3. nat. 3. disquis. 2. & 3.

(i) Marentur.] Olim Abbes ab Episcopo in cuius diocesis monasterium situm erat, deponebantur. Concilium Tiron. 2. cap. 1. §. 7. Episcopus, nec Abbatem, nec Archipresbyterum, sine omnium suorum Comprobatorum, & Abbatum consilio de loco praestimat ejicere. Postquam autem religiones ab Episcoporum jurisdictione exceptæ sunt, Prælatorum Regularium definitio ad superiorum ipsius religionis spectat, qui absque iusta causa non debet inferiores Prælatos removere, seu deponere, cap. nullam 18. q. 2. docent late Suarez de relig. tom. 4. tract. 8. lib. 2. cap. 2. Tamburinus de jure Abbat. p. 1. disput. 3. quæst. 2.

(k) Dilapidatores.] Cap. si quis Abbas 18. q. 2. cap. dictum, 80. dist. cap. quoniam, dist. 100. cap. cum ad monasterium, §. final. hoc tit. ut contingit in Prælatis secularibus, cap. final. 3. q. 2. probata dilapidatione, aut suspicione manifesta, cap. lib. cœt. Heli, cap. per tuas de simon. cap. venerabilit. ubi notavi, de offic. deleg. Petrus Gregorius lib. 4. partit. tit. 7. cap. 5. quod est intelligendum quando Prælatus negligientia magna est, cap. quicquid 1. q. 1. Unde non probatur dilapidatio ex eo, quod monasterium are alieno gravatum repriatur, cum ex iusta causa id posset provenire. Tamburinus dict. quæst. 2. num. 5. Item deponit potest Abbas, si regular prævaricator reperatur, id est, quod ei prejudicet, non autem observet. Tamburinus ubi supra, num. 8. vel si illiteratus est, cap. final. de arate & qualit. & ob similes causas, quas prosequitur Tamburinus dict. quæst. 2. Tandem si incontinenter vixerit, ex praesenti textu: unde in regula D. Benedicti hujusmodi incontinentes zona ad collum appensâ genibus flexis fisti jubentur ad portas refectori, & merito cingulo honoris exuebantur, sumptu more veterum, qui virgines corporis dedecus pallia zona suspendebeant, & cum nuptui dabant, solabant zonam que nodus erat virginitatis, ut probat Cironius in parat. ad hunc tit. in fine.

C A P U T III.

Alex. III. Universis Abbatibus, & Conversis Cisterc. (a) Ordinis.

R Ecolentes qualiter hæc plantatio sancta, hæc vitis fructifera, hæc denique viaea Domini Sabaoth, sub primis Ordinis Patribus pullulavit, & palmites longè late quo

lateque producens, ad mortifera circumquaque venena pellenda protulit flores, & odores effudit, per vigili custodiâ custodiatis eorum in omnibus inhærente vestigiis, per quos cooperante Domino in deserto hujus mundi flos hujuscemodi plantatus est honestatis. Hi enim monastica frugalitatis contentissimi, optimum ponentes in paupertate principium, totius sufficientia assequunt sunt complementum, Ecclesiæ chari, Episcopis, & Prælatis accepti, atque in conspectu Regum, ac Principum famâ, & merito gloriosi: nunc autem, quod dolentes dicimus, et si non ab omnibus, neque in omnibus; à plerisque tamen, & in pluribus ab illa sancta institutione dicitur declinatum, in tantum, ut aliqui ex vobis primæ institutionis oblitî penitus, vel ignorantes, contra Ordinis vestri regulam villas, & molendina, Ecclesiæ, & (b) altaria possident, (c) fidelitates, & hominia suscipiunt, (d) iustitiarios, & tributarios tenent, & omne studium adhibent, ut termini eorum dilatentur in terris, quorum conversatio debet esse in cœlis. Læditur hinc Ordo penitus, & vitiatur: nec est mutatio dexteræ Excelsi, quin immò potius de dextera transeunt in sinistram, qui cum relicto seculo sub pauperratis habitu Deo militare decreverunt, in negotiis denud secularibus implicantur. Indo est, quod vobis ab iis, qui fortis sunt, contentiones, & litigia suscitantur, & Abbatibus in causis forensibus occupatis, plurimum in commissis domibus & tepor Ordinis, & dissolutio nascitur charitatis: maximè quia charitas in paupertate plus proficit; & cupiditatis designata confortum, nisi illa restringatur, hæc tepefecit. Ideo sanctum, ac venerabile collegium vestrum precibus & moritis, quibus possumus, exhortamur, quatenus domus (e) illæ quæ à prima sui origine in Ordine ipso sunt fundatæ, constitutis, & ordinatis terminis sint contentæ, nec velint inordinate ad ea manus extendere, quæ sine laboribus, & periculis multis, & demum sine criminibus, & magna confusione non poterunt retinere. Si enim relictis originalibus Ordinis institutis ad communia volueritis aliorum monasteriorum jura divertere, oportebit & vos communi jure censerit, quia dignum est, ut si qui similem cum aliis suscipiunt vitam, similem sentiant in legibus disciplinam. Ceterum domus illæ, quæ ab aliis institutionibus ad vestrum Ordinem se transulerint, vestris omnino se fatigant usibus conformare, & relictis possessionibus, vel mutatis, quas institutio vestra non recipit, sic se in omnibus Religioni vestræ coaptent, ut quemadmodum se gaudent in societatem Ordinis, identitatemque habitus, & observantia regularis assumptas; sic etiam in paucitate secularium rerum se latentur vestris institutionibus conformatas, quatenus inde & superno Conditori magis amabiles, & nobis, atque universæ Ecclesiæ merito debent fieri chariores. Sanè si super possessionibus ipsis in aliquo de monasteriis vestris Apostolicae Sedis auctoritas dispensavit, à nullo vestrum sumendum est inde exemplum, quia temerarium est, & indignum aliquem sibi suâ auctoritate presumere, quod Romana Ecclesia alicui monasterio, certâ ratione inspectâ, singularibus voluit indulgere beneficiis.

N O T A.

(a) **C**isterciensis.] Ita etiam legitur in secunda collectione, sub hoc tit. cap. 2. ex qua integrum hujus textus restituo. Cùmen in temporebus Alexandri III. per annos 1170. Cisterciensium in Lusitania, & aliis Hispanie monasteriis jam constructis copiæ leti usus habendi, & possiden- di vasallos, & illis ampla exemptionum privilegia Principes seculares concedenter, oppida vicina deferebantur, eorum incolis confluentibus ad oppida, & castra monachorum Cisterciensium Ordinis: unde cùm his dominis, & vasallis monasteria supra modum ditata cœpissent à primitiva Cisterci disciplina degenerate, Alexander III. omnium Pater, sed specialiter Cisterciensium, praesenti epistolâ periculi admonuit, præveniente, ne divitiarum pondere opprimerentur, & præficiam disciplinam negligerent, ut refert Manrique tom. 2. annal. Cisterc. anno 1171. cap. 7. num. 5.

(b) **A**ltaria.] Id est decimas, & proventus D. D. Gonzal. in Decretal. Tom. III. Pats II.

Ecclesiæ, ut in cap. quæstum 1. q. 3. Gofridus Vindocinensis lib. 1. epist. 12. Redemptionem Ecclesiæ, que vulgari vocabulo altaria nuncupantur. Concilium Claromont. can. 6. Ut altaria congregationibus canonorum, vel monachorum per personas data, mortuis personis libera redeant in manibus Episcoporum, nisi fuerint illis per eorum scripta, vel privilegia confirmata. Carnot, epist. 12. Maximè quod apud nos, qui altari non servant, de altari vivunt: à quo sacrilegio cùm eos absterre velimmonendo, increpando, excommunicando, altaria à me redimere volunt sub nomine persone, sicut à prædecessoribus meis ex prava consuetudine redemerunt. Cùm enim laici injustè detinebant decimas, oblationesque Ecclesiæ, ne sacramentorum celebratio à laicis Ecclesiæ possessoribus pendere videretur, inducta est nova quædam verborum distinctio, ita ut in una, eademque basilica pars una Ecclesia dicereatur, quoad laicorum jura: & altare quoad juris spiritualis administrationem: quam corruptelam admodum reprehendit Abbo Floriac. anno 1003.

Qqq 2 in

in apologia quam scripsit ad Reges Hugonem, & Robertum. Ejus hæc sunt verba relata ab Aimone de vita S. Abbonis Floriacensis Martyris. [Certe, charissimi Principes, nec catholice vivimus, ne catholice loquimur, quando illam Ecclesiam dico esse meam, ille alteram dicit esse suam, ac velut quædam jumenta, comparati jumentis insipientibus, utrasque aliquando veniles proponimus, propositasque ab aliis emere non formidamus. Est etiam alius error gravissimus, qui fert altare esse Episcopi, & Ecclesiam alterius cuiuslibet Domini, cum ex domo consecrata, & altari unum quoddam fiat, quod dicitur Ecclesia, sicut unus homo constat ex corpore, & anima. Vide etiam q[uod]am Principe, quod nos ducit cupiditas, dum refrigescit charitas.] Alia dabimus in cap. de capel. monach.

(c) *Fidelitates & hominia.*] Id est homagia, & hominaria, de quibus egi in cap. nimis, de jure jur.

3. (d) *Justitarios.*] Et ita monachi Cistercienses juxta priscam ipsius Ordinis disciplinam non

poterant temporem jurisdictionem habere: quod alii monachis olim prohibitum non esse, facile constat ex finalibus verbis hujus textus, ubi docet Alexander III. quod si ad Cistercienses transferantur alterius Ordinis, seu Religiosis monasteria habentia villas, vasallos, & similia, debent hæc omnia, que Cisterciensibus non convenient, relinquere, aut commutare pro aliis rebus, seu possessionibus. Unde similia bona non improbanter in aliis monasteriis, ut probat Anguijanus de legibus lib. 2. cap. 17. num. 6.

(e) *Caterum dominus ille.*] Ex his verbis constat, non solum singulares monachos posse ad strictorem religionem transire, juxta tradita fupta, in cap. licet, de regul. verum & monasteria integra posse in alia migrare, novamque regulam profecti: quod latius prosequuntur Sanchez tom. 2. morib. 6. cap. 7. Ricciulus lib. 8. de jure person. cap. 4. n. 25. Tamburinus tom. 3. de jure Abbat. dispu. 7. quest. 1. num. 14. Barbosa libro 1. de jure Eccles. cap. 42. num. 50. Hallierius in vindic. fol. 489.

CAPUT IV.

(a) Clemens III.

Super quodam canonico Regulari, qui in articulo mortis agens, licet à Priore suo com- monitus, proprium, quod contra regulam latenter habuerat, noluit renegare, & sic diem clausit extremum: quid scilicet de illo agendum sit, cum nihilominus fuerit inter alios fratres traditus sepulturæ, nos duxisti necessariò requirendos. Quia vero te ignorare non credimus, quid de talibus in regula B. Augustini habeatur statutum, & quod ipsum in Synodo Lateran. constet inhibitum manifestè: inquisitioni tuis praetribus literis respondemus, quod ille canonicus non tantum fuit christianæ sepulturæ pù- vandus, verum eriam si sine maximo scandalo potuerit fieri, de ipsa projici dignus est Ecclesia, & extra cæmeterium Ecclesiæ sepeliri. Cum sicut in ipsa Synodo habeatur expres- sum, nec oblatio pro eo facienda sit, nec inter fratres debeat sepulturam habere. Hoc autem cum forte contigerit, in similibus est agendum.

NOTE.

1. (a) *Clemens III.*] Ita etiam legitur in se- cunda collectione, sub hoc tit. cap. 6. nulli- libi tamen exprimitur Pralatus cui rescriptum Ponti- fex, licet constet agere de canonico Regulari Ordinis D. Augustini, & sic aperte ex hoc textu probatur, non solum monachos, verum & canonicos Regulares paupertatem vovere, quod etiam probatur ex sermone i. D. Augustini de suo- rum clericorum vita, ibi: *Inter nos nulli licet in societate nostra habere aliquid proprium.* Notavit Basilius Legion. quest. 3. schol. cap. 9. in prin- cipio.

COMMENTARIUM.

2. *Conclu-
sio deau-
ciur &
proba-
tur.* EX hoc textu, & ex cap. 2. cap. cum inter, hoc tit. DD. communiter sequentem deducunt assertiōnē: *Monachus, seu religiosus non debet aliquid peculiare possidere, alias si cum proprietate decedat, ecclesiastica sepulturā privatur.* Pro- bant eam textus in cap. *Sancimus*, cap. *Abbatibus* 41. 12. quest. 2. cap. *monacho* 27. q. 1. cap. 7. de offic. ordin. *Concilium Altissiod. can. 23.* ibi: *Si mo- nachus in monasterio adulterium commiserit, aut*

peculiare habere presumperit, aut fortunam fecerit, & hoc Abbas per se non emendaverit, aut Episco- po, aut Archidiacono non intimaverit, ad peni- tentiam agendum in alio monasterio retrudatur. Ven- nense sub Pipino can. 11. De illis hominibus, qui dicunt, quod se proper Deum tonsurarent, & mode- res eorum, vel pecunias habent, & nec sub manu Episcopi sunt, nec in monasterio regulariter vivunt, placuit ut in monasterio sint sub ordine regulari, aut sub manu Episcopi sub ordine canonicus, & si aliter fecerint, & correpti ab Episcopo suo se emen- dare noluerint, excommunicentur, & de ancillis Dei eadem forma servetur. Aquisgran. can. 110. Eis, qui militant Deo, fugienda sunt ex toto corde divitiae; quia qui habere volunt, sine labore non querunt, sine difficultate non inveniunt, sine cura non servant, sine anxia delectatione non possident, sine dolore non perdunt. Apostolus autem Christi militibus dixit i. ad Corinthios cap. 7. Volo vos sine sollicitudine esse: & radix omnium malorum est cupiditas, seu avaritia, quam quidam appetentes, erraverunt à fide, & inferuerunt se doloribus malis. Alii census iste terrenus eis, à quibus vix diligitur, non est voluptatum materia, sed dolorum. Quapropter expedit facultates Ecclesiæ possidere, ut inde vivant, qui non seculo, cuius gaudia fugient, repud-